

**CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A ASOCIACIÓN ARELA PARA O DESENVOLVEMENTO DO PROXECTO PILOTO DA ABORDAXE DA POBREZA INFANTIL NAS CIDADES DE SANTIAGO DE COMPOSTELA E DE VIGO, NO MARCO DO PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA – NEXTGENERATIONEU.**

**MEMORIA DE TRANSPARENCIA**

Arturo Parrado Puente, director xeral de Inclusión Social da Consellería de Política Social e Xuventude,

**DECLARA**

Que a Consellería de Política Social e Xuventude ten previsto formalizar coa Asociación Arela o dito convenio de colaboración por un período de vixencia que abrangue dende a data da súa sinatura ata o día 30 de novembro do ano 2023, financiándose, sen embargo, os gastos realizados dende o 1 de xullo do actual exercicio.

Que o convenio de colaboración ten por obxecto regular o marco de cooperación entre a Asociación Arela e a Consellería de Política Social e Xuventude para o desenvolvemento dun programa nas cidades de Santiago de Compostela e Vigo dun proxecto piloto de abordaxe da pobreza infantil, mediante o cal se lles facilitará ás familias participantes apoios específicos para a atención social, o apoio socioeducativo e a mellora ou promoción da participación laboral.

Que existe converxencia de intereses entre as entidades asinantes para a consecución do obxecto referido.

Que o convenio de colaboración que se pretende asinar se fundamenta no seguinte:



A instrumentación desta axuda por medio dun convenio de colaboración singular, fundaméntase no apartado c) do artigo 36 do decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia. Este artigo prevé, con carácter excepcional, a concesión directa das subvencións nas que se acrediten razóns de interese público, social, económico ou humanitario. O interese público deriva da finalidade última do proxecto experimental, que é adquirir coñecemento con base científica de utilidade nas fórmulas de abordaxe da exclusión social, e concretamente, da pobreza infantil. Esta aprendizaxe é de interese para a mellora da eficacia e da calidade no exercicio das competencias que a Xunta de Galicia ten en materia de inclusión social. O interese social radica en que o proxecto formúlase sobre a hipótese de que terá, a través do desenvolvemento das súas actividades, impactos positivos nun dos grupos de poboación que presentan maior vulnerabilidade, concretamente familias con menores en situación de pobreza e/ou exclusión social. A redución da pobreza infantil é de interese social, do que tamén se desprende o carácter humanitario deste proxecto.

Trátase dun proxecto de carácter innovador en relación aos programas existentes, que se está a financiar con fondos do Mecanismo de Recuperación e Resiliencia, de xeito que a súa posta en marcha, desenvolvemento e peche ten lugar nun período de tempo moi concreto, o que fai que a Administración autonómica atope dificultades para axustarse á axilidade requirida na mobilización e disposición de recursos necesarios para levalo a cabo. Por este motivo recórrese ao carácter excepcional que prevé o dito decreto de desenvolvemento da Lei de Subvencións de Galicia.

A Consellería de Política Social e Xuventude considera prioritario potenciar este tipo de actuacións e está interesada en fomentar a execución de proxectos como o que se describe, a través do cal a Fundación Juan Soñador aporta un punto de vista único para desenvolver a actividade do proxecto, debido a que enfoca o seu traballo na consecución da inclusión social activa de todos os membros das unidades familiares



con persoas menores que están en situación ou risco de exclusión social dun xeito integral.

De acordo co artigo 2.1.c) da Lei 9/2007, do 13 de xuño, de subvencións de Galicia, o proxecto financiado ten por obxecto o desenvolvemento dunha actividade de interese social. Ademais, o artigo 19.4.c) da mesma lei establece que, con carácter excepcional, subvencionaranse aquelas actuacións que acrediten razóns de interese social e humanitario.

Ademáis do dito anteriormente, hai que ter en conta o seguinte:

\_ O carácter innovador do programa que se financia cos fondos de recuperación e resiliencia da Unión Europea e que, dada a súa natureza e características, precisa que o seu desenvolvemento se leve a cabo por parte de entidades que acrediten unha experiencia previa na posta en marcha de programas de características similares, como é o caso do convenio coa fundación La Caixa (Caixa Proinfancia). Xunto con isto, tamén é fundamental o coñecemento das persoas usuarias, das súas necesidades e das fórmulas específicas de abordaxe.

- o programa ten un ámbito de actuación, que inclúe diferentes cidades e territorios, cunhas características específicas moi diferenciadas, isto implica que a elección da entidade obxecto da subvención veña condicionada, non só pola súa implantación no territorio, senón tamén por un coñecemento exhaustivo na realización de actuacións de contido similar ás que constitúen o obxecto do convenio nese marco xeográfico. Neste senso, hai que indicar que a xestión do proxecto vai precisar apoios externos do medio para asegurar a integralidade da intervención con enfoque familiar, polo é fundamental o coñecemento da contorna e dos axentes sociais e económicos que operan nela.

- o desenvolvemento do programa precisa que a entidade subvencionada conte con medios persoais, materiais e económicos, xunto cunha solvencia técnica vinculada



a unha traxectoria de traballo acreditada no seu ámbito e na área específica na que actúa.

A Asociación Arela está especializada dende hai máis de 20 anos no desenvolvemento de programas e actividades dirixidos a mellorar a situación das persoas menores en risco ou en situación de vulnerabilidade en Galicia. Así mesmo, colabora dende o ano 2016 no desenvolvemento en Galicia do programa La Caixa Proinfancia, que está dirixido ás familias con menores con escaseza de recursos e en risco de exclusión social, e que polo tanto teñen un perfil similar ao que se dirixe o proxecto piloto obxecto do presente convenio. Mais en concreto, a Asociación Arela é a entidade coordinadora do programa La Caixa Proinfancia nas cidades de Santiago de Compostela e Vigo, o que lle proporciona o coñecemento e os recursos necesarios para a preparación, a planificación, o desenvolvemento e a posta en marcha do proxecto piloto nas condicións e prazos previstos por este, o cal esixe unha grande operatividade para contactar rapidamente coas potenciais familias participantes e lles ofertar e prestar unha grande variedade de apoios específicos.

A Asociación Arela con sedes en Santiago de Compostela e Vigo, e co apoio e a colaboración dos equipos de Servizos Sociais comunitarios de ambas as dúas cidades.

Tendo en conta todo o exposto, considerando a existencia de razóns de interese público, social e económico, así como a amplitude e características do proxecto, esta entidade é a única que reúne os requisitos os requisitos de experiencia, implantación no territorio, solvencia, medios técnicos e coñecemento das persoas usuarias e da contorna social, necesarios para implementar o proxecto piloto nas cidades da Vigo e Santiago de Compostela.

Que os intereses converxentes das partes asinantes exclúen o ánimo de lucro, e non se poden satisfacer axeitadamente mediante a celebración dun contrato dos contemplados na Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento



Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de cumprir co preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio de colaboración que se pretende, con exclusión doutras figuras.

E para que conste, asínase esta memoria no lugar e data da sinatura dixital,

O DIRECTOR XERAL DE INCLUSIÓN SOCIAL

Arturo Parrado Puente

